

Broj: 12/1-04-002481/24  
Tuzla, 24.07.2024. godine

Na osnovu člana 70. stav 1., 3., i 6. Zakona o javnim nabavkama ("Službeni glasnik BiH" broj: 39/14 i 59/22) i Rješenja Ureda za razmatranje žalbi broj: JN2-03-07-1-1669-9/24 od 12.07.2024. godine, na preporuku Komisije za javnu nabavku od 23.07.2024. godine u postupku javne nabavke – Izrada Registra emisija zagađujućih materija u zrak za 2023. godinu, ministar Ministarstva prostornog uređenja i zaštite okolice Tuzlanskog Kantona, donosi

### **ODLUKU** **o izboru najpovoljnijeg ponuđača**

#### **I**

Prihvata se preporuka Komisije za javnu nabavku od 23.07.2024. godine i ugovor za javnu nabavku – Izrada Registra emisija zagađujućih materija u zrak za 2023. godinu dodjeljuje se:

nLogic d.o.o. Sarajevo:

Broj ponude: P-101-24, cijena ponude 24.899,00 KM (bez PDV-a), odnosno 29.131,83 KM (sa PDV-om) kao najbolje ocijenjenom ponuđaču.

#### **II**

Ovom odlukom stavlja se van snage Odluka o izboru najpovoljnijeg ponuđača broj: 12/1-04-002481/24 od 07.05.2024. godine.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 12/1-04-002481/24 od 26.03.2024. godine.

Javna nabavka je sprovedena otvorenim postupkom.

Procijenjena vrijednost javne nabavke (bez uključenog PDV) iznosi: 85.470,08 KM.

Obavještenje o nabavci broj: 102-1-2-5-3-33/24 poslato je na objavljivanje dana 08.04.2024. godine, a objavljeno je na Portalu javnih nabavki dana 08.04.2024. godine, sažetak obavještenja o nabavci objavljen je u „Službenom glasniku BiH“, broj: 27/24 od 19.04.2024. godine.

Komisija za javnu nabavku imenovana je Rješenjem broj: 12/1-04-002481/24 od 26.03.2024. godine.

Komisija za javnu nabavku dostavila je dana 06.05.2024. godine Zapisnik o ocjeni ponuda koji sadržava Izvještaj o javnoj nabavci i Preporuku o izboru najpovoljnijeg ponuđača, te je donesena Odluka o izboru najpovoljnijeg ponuđača broj: 12/1-04-002481/24 od 07.05.2024. godine, kojom je ponuđač Institut za građevinarstvo IG d.o.o. Banja Luka bio izabran kao najpovoljniji ponuđač.

Nakon izjavljivanja žalbi na Odluku o izboru najpovoljnijeg ponuđača broj: 12/1-04-002481/24 od 07.05.2024. godine od strane grupe ponuđača Ceteor d.o.o. Sarajevo i E3 d.o.o. Sarajevo, te ponuđača nLogic d.o.o. Sarajevo, ugovorni organ je zaprimio Zaključak Ureda za razmatranje žalbi broj: JN2-03-07-1-1600-8/24 od 03.07.2024. godine, kojim je žalba grupe ponuđača Ceteor d.o.o. Sarajevo i E3 d.o.o. Sarajevo odbačena i Rješenje Ureda za razmatranje žalbi broj: JN2-03-07-1-1669-9/24 od 12.07.2024. godine, kojim je žalba ponuđača nLogic d.o.o. Sarajevo usvojena, te je poništena odluka ugovornog organa broj: 12/1-04-002481/24 od 07.05.2024. godine.

Uvažavajući stavove Ureda za razmatranje žalbi, donesena je odluka kao u dispozitivu.



Komisija za provođenje postupka javne nabavke, nakon dostavljenog Rješenja Ureda za razmatranje žalbi broj: JN2-03-07-1-1669-9/24 od 12.07.2024. godine je blagovremeno i pravilno izvršila ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih i blagovremenih ponuda: tri.
- Da su kvalificirane i prihvatljive ponude ponuđača Institut za građevinarstvo IG d.o.o. Banja Luka i nLogic d.o.o. Sarajevo
- Da ponuda grupe ponuđača Ceteor d.o.o. Sarajevo & E3 d.o.o. Sarajevo nije kvalificirana iz razloga koji je naveden u Zapisniku o ocjeni ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka, Ministarstvo nije našlo razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima, tenderskom dokumentacijom i Rješenjem Ureda za razmatranje žalbi broj: JN2-03-07-1-1669-9/24 od 12.07.2024. godine.

Komisija za javnu nabavku, nakon ocjene ponude, konstatuje da je prihvatljiva/najpovoljnija ponuda sljedećeg ponuđača i predlaže njegov izbor:

PODACI O NAJPOVOLJNIJEM PONUĐAČU		
1.	Naziv / ime ponuđača	nLogic d.o.o. Sarajevo
2.	Adresa	Đoke Mazalića br.2, 71000 Sarajevo
3.	Ukupna cijena ponude bez PDV-a	24.899,00 KM
4.	Ukupna cijena ponude sa PDV-om	29.131,83 KM

Iz navedenih razloga, primjenom člana 64. stav 1. tačka b) Zakona o javnim nabavkama BiH odlučeno je kao u tački 1. ove Odluke.

#### POUKA O PRAVNOM LIJEKU

Protiv ove Odluke može se izjaviti žalba, kako je to propisano članom 99 Zakona o javnim nabavkama BiH najkasnije u roku od 10 (deset) dana od dana prijema ove Odluke.



Dostavljeno:

- Institut za građevinarstvo IG d.o.o. Banja Luka, Kralja Petra I Karađorđevića 92 – 98, 78000 Banja Luka,
- Ceteor d.o.o. Sarajevo, Topal Osman Paše 32 B, 71000 Sarajevo,
- E3 d.o.o. Sarajevo, Jukićeva 51 A, 71000 Sarajevo,
- nLogic d.o.o. Sarajevo, Đoke Mazalića 2, 71000 Sarajevo,
- Evidenciji i
- Arhivi.